



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

59. An qui commisit peccatum nefandi gaudeat Immunitate Ecclesiarum?
Ex parte 4. tractatu 1. resol. 45.

[urn:nbn:de:hbz:466:1-76442](https://nbn-resolving.org/urn:nbn:de:hbz:466:1-76442)

quoad privilegium immunitatis Ecclesiarum nihil operatur dicta pragmatica; vt in specie casus nostri tradit Ambrosinus *de immunit. cap. 3. num. 6.* & Peregrinus *cap. 6. num. 9* vnde caueant Episcopi Siciliae à Mario Italia *lib. 1. cap. 5. §. 1. num. 20.* & 40. vbi videtur approbare etiam in ordine ad immunitatem Ecclesiarum supradictam Pragmaticam. Et aduersus illum præter Doctores citatos insurgunt ipsimet Consiliarij Regij, vt Peguera *decif. 410.* & Mastrillus *de indul. cap. 33. num. 7.* Et ratio est, quia statuta Principis Laici non possunt tollere, neque aliquid determinare circa Ecclesiarum immunitatem: sed hoc ad summum Pontificem spectat.

4. Notandum, est etiam hinc obiter contra Innocent. in *cap. inter alia, & ibi Hostiensis num. 4.* & Ioannem Andream *num. 6.* & alios, non dici Latrones publicos & grassatores viarum, nisi qui depradantur in viis publicis, & itineribus frequentatis: at non sufficit, quod per insidias furentur, etiam si non fuerint in loco publico. Et ratio est, quia textus expressè loquitur ibi. Itinera frequentata, & publicas stratas obsident: tum quia nomen, via, publicum iter denotat: & quia illa verba ad declarationem delicti fuerunt apposta, & ita docet Nouarius *summa Bullar. tit. de immunitate, num. 47.* Ambrosinus *cap. 3. num. 5.* Farinacius *cap. 12. num. 165.* Vide etiam Mastrillum *de indul. cap. 32. num. 8.* & Riccium *part. 4. decif. 144.* & alios penes ipsos.

5. Verum publicis latronibus & grassatoribus viarum adiecit summus Pontifex agrorum depopulatores; circa quos nihil aliud dignum adnotatione occurrit, nisi illud curiosum quidem & difficile, An stante constitutione Gregoriana diurnus agrorum depopulatores gaudeat immunitate. Dixi, *diurnus*; quia de nocturno non est difficultas; & negatiuam sententiam docet Barbosa *de iur. Eccles. lib. 2. cap. 3. num. 87.* quia verbum, *nocturnus*, appositum in *cap. inter alia, de immunit. Eccles.* fuit à Gregorio XIV. in sua Bulla ademptum, & absolute excludit ab immunitate agrorum depopulatores. Et ita hanc sententiam tenet Farinacius *de immunit. cap. 11. num. 161.* Ambrosinus *de immunitate, cap. 4. n. 5.* Bonacina *tom. 2. disp. 3. quest. 7. punct. 6. §. 1. num. 5.* & alii.

6. Sed his non obstantibus diurnos agrorum depopulatores gaudere Ecclesiarum immunitate, docet Castrus Palaus *tom. 2. tract. 11. disp. vnic. punct. 9. nu. 5.* quia, ait ille, constitutio Gregoriana ad firmandum ius commune, & reuocanda priuilegia illi contraria expedita fuit: ergo cum solum dixit, depopulatores agrorum, intelligenda est iuxta ius commune, quod solum nocturnos excludit: nam si Pontifex intendebat depopulatores tam nocturnos, quam diurnos comprehendere, debebat exprimere: quia ius commune non debet ceteri correctum, nisi claris verbis constet. Præterea hæc exclusio derogat immunitati, & constitutio est odiosa & penalis: ergo de solo nocturno, & non diurno debet intelligi. Ita Castrus Palaus.

7. Sed tu caue huic adherere opinioni; nam licet videtur fauere Ecclesiarum immunitati, maxime illam lædit; nam ex dictis rationibus, quas Palaus adducit, videtur confirmare sententiam Gambacurtæ, & aliorum aduersariorum asserentium constitutionem Gregorianam tollere tantum priuilegia, sed non derogare iuri communi, quod quidem falsum esse dicendum est cum Chartario *decif. crimin. 95. num. 4.* & aliis Doctoribus, quos ego citavi in *part. 1. tract. 1. resol. 1.* & determinauit Sanctissimus Pontifex Clemens VII. in Breui ad Archiepiscopum Hahedum Panormitanum sub die 6. Februarii anno 1597. vt ego supra obseruavi, & obseruat nouissime Nouarius in *Tom. IX.*

Sūma Bullar. tit. de immun. n. 2. Vnde venit refellendus Peregrinus *de immunit. cap. 2. num. 11.* quatenus dicit constitutionem Gregorianam non corrigere ius commune.

8. Sed hic obiter non est omitendus casus, qui frequenter solet accidere. An videlicet captiuantes personas, & eas componentes in quocumque loco, gaudeant immunitate Ecclesiarum: & negativè respondet Ioannes Maria Nouarius in *summa Bullar. tit. de immunitate, num. 44. in fine*, qui citat Mastrillum.

9. Sed hæc opinio ita absolute prolata mihi non placet; nam tunc puto supradictos non gaudere immunitate; quando vt publici latrones in stratis ac viis publicis vel in campis, siue vt grassatores etiam intra vrbium vias huiusmodi personarum captiones & compositiones, vulgò *Ricati*, admiserint; & hoc pluries non semel tantum, aut iterum fecerint: scus autem si priuatim, ac secretò captiuarent personas, vel missis aliquibus nunciis (vt olim pluries per multos menses Panormi accidit) aliquas composuerint personas etiam minis per nuncios vel litteras comminatis: nam vtique in tali casu ab immunitate non erunt excludendi; quia sic captiuantes, neque publici latrones, neque grassatores dici possunt; ergo gaudere debent immunitate. Et idèd hanc sententiam nominatim aduersus Nouarium, tenet Carolus Maranta in *controuers. iur. par. 2. respons. 46. num. 10. & seq.* Neque Mastrillus à Nouario adductus facit contra nostram sententiam; nam loquitur in terminis indulti à Rege concessi, & non in terminis constitutionis Gregorianæ, quæ excludit omnem extensionem de casu ad casum; & ego puto etiam in terminis iuris communis supradictos Reos Ecclesiarum immunitate gaudere.

R E S O L. L I X.

An qui commisit peccatum nefandi, gaudeat Immunitate Ecclesiarum? Ex part. 4. tract. 1. Res. 45.

§. 1. **N**egatiuè respondet Ludouicus Correa in *Sup. hoc supra in Res. 25. §. Vnde. & in Res. 27. §. Quæro quarto.* *relect. ad cap. inter alia, de immunit. Eccles. part. 3. num. 40. quest. 17.* quia in grauissimis delictis, & in quibus includitur atrocitas & abominatio, Ecclesia non debet patrocinari, & ideo etiam alia peccata contra naturam immunitate non gaudebunt. Ita ille, qui citat Rodriguez in *99. regul. tom. 2. quest. 51. art. 4.* Auendagnum *de exequen. mandatis, part. 1. cap. 229.* Phæbum *tom. 1. decif. 81. num. 7.* Barbosa *ad ordin. tom. 2. lib. 2. §. 1. num. 5.* quibus adde Marium Italianum *de immunit. Eccles. lib. 1. cap. 5. §. 3.*

2. Sed hæc opinio, stante Bulla Gregorij XIV. non est tenenda, quia in illa crimen nefandi non exceptuatur, & dictam constitutionem non esse ad alios casus extendendam, satis ex eius lectura patet Nam, vt * Alibi probaui, Summus Pontifex in illa, dum excipit aliquos casus, apponit dictionem *taxatiuam tantum*, cuius natura est impedire extensionem, vt notat inter alios Ambrosinus *de immunit. cap. 1. num. 14.* Peregrinus *cap. 6. num. 24.* & alij scribentes super dictam Bullam; & ideo committentes crimen nefandi gaudere immunitate Ecclesiarum, in terminis docet Farinacius in *appen. de immum. Ecclesiar. cap. 6. num. 98.* Castrus Palaus in *opere morali, tom. 2. disp. unica, de immum. Eccles. punct. 10. num. 6.* & Marius Giurba *conf. 100. num. 4.* quod ego etiam puto, stando in iure communi, nam Canones absolute asserunt Ecclesie immunitate gaudere omnes ad eam confugientes pro quantum

Et pro supra contento in hoc textu infra in Res. 71. §. Vlt. & in Res. 81. a Un. 9. Verf. Et clare. & Res. 90. & in §. Sed ego per totum, signatè in fine.

* Alibi supra in Res. 3. Sed prorsus. & in Res. 26. §. Sed hæc. & seq.

Quæ hic est res. Ref. s. 3. Res. & in 250 eius.



uis grauíssimo, & atrocissimo crimine: vt patet in cap. inter alia, de immunitate Ecclesie. vbi expressè cauetur liberum hominem non esse violentè ab Ecclesia extrahendum, quantumcumque graua malicia perpetraverit, ibi Hostiensis num. 1. Ancharanus num. 2. & 6. & alij, cum Farinacio vbi supra iuncto num. 85. Sed quidquid sit de iure communi, in terminis Bullæ Gregor. de hoc casu amplius non est dubitandum, quidquid dicat Marius Italia sine fundamento vbi supra, & ideo hanc sententiam tenet nouissimè Sanchez in opusc. tom. 2. lib. 6. cap. 1. dub. 10. num. 2. & ante illum Bonacina in Decalogum disp. 3. quæst. 7. punct. 5. num. 24.

RESOL. LX.

An Mercator, qui fraudulenter decoxit, gaudeat Immunitate?

Et an simplices debitores, qui sine causa criminis confugiunt ad Ecclesiam, gaudeant Immunitate, Idem dicendum est de debitore publico, & exactore tributorum, & debitore ex causa administrationis, & redditionis rationum, & de obligato ad ratiocinia publica, vel de officiali debitore ex causa Syndicatus. Ex part. 1. tit. 1. Ref. 32.

* Sup. hoc in §. 1. * Negatiuè respondet Gambac. lib. 4. c. 15. n. 7. in terminis nostræ Bullæ, & ita etiam docuerunt ex Theologis, Ioan. de la Cruz in direct. conscient. p. 1. præf. 8. q. 3. art. 1. dub. 1. concl. 1. Fagundes de Precept. Eccl. tract. 2. lib. 4. cap. 4. num. 53. Rodriguez in sum. tom. 7. c. 154. num. 1. & ex Iurisperitis Bobadill. tom. 1. lib. 2. c. 14. num. 67 & 71. Villadiego in Polit. c. 3. num. 216. Azuevedus tom. 3. lib. 5. tit. 20. leg. 6. n. 2. Gutierrez præf. 99. lib. 1. q. 1. per tot. & alij: quia Pius V. in Constitutione edita anno 1570. eos furibus assimilauit, & in illos vltimam penam supplicij inflixit. Deinde asserunt multi, illos inclusos esse in nostra Bulla Gregoriana sub nomine publicorum latronum: & in hanc sententiam tandem inclinat Tanner. in 2. 2. D. Thoma disp. 5. q. 8. dub. 1. num. 17. & nosser P. Peregrin. de immunit. cap. 12. num. 4. in fine.

2. Sed ego his diebus in casu N. contrarium consului: & ita postea Romæ in Sacra Cardinalium Congregatione fuit decisum; nempe, decoctorem etiam fraudulentum, immunitate gaudere. Et respondebam ad Doctores citatos pro Gambacurta, & Peregrino, ipsos non loqui in terminis Bullæ Gregorij XIV. quia * in Hispania dicta Constitutio non est vltu recepta, vt notauit Portel. in dub. regul. ver. Eccles. immunitas, num. 9. Et ratio est: quia, vt sapius diximus, in dicta Bulla non priuantur dicti decoctores immunitate: nam inter casus exceptos, casus decoctorum non inuenitur, & dicta Bulla non est extendenda ad alios casus ibi non expressos. Deinde, hoc apparet ex verbis Bullæ: nam ibi Pontifex reuocat omnia indulta, & priuilegia data Principibus, vt possint ad Ecclesiam confugientes extrahere, & præsertim fraudulentos decoctores. Vnde, cum in ista narratiua talium decoctorum efficiatur mentio; de quibus postea, quando Summus Pontifex disponit, ne verbum quidem de illis; apparet manifestè Pontificem voluisse huiusmodi decoctores gaudere: & ita in terminis huius Constitut. docet Farinac. de immunit. cap. 3. num. 64. retractans se de contraria opinione, quam docuerat antea in tract. de carcer. q. 28. n. 33. Idem docet Gratian in discip. forens. tom. 2. c. 380. n. 29. Girona tract. de Priuileg. c. 23. num. 1035. Ambrosin. de immunit. c. 13. num. 4. Flauius Cherubinus in Compend. Bull. tom. 2. const. 117. Pij V.

* Sup. hoc in Ref. seq. & infra in Ref. 67. cursum in §. vlt. & in Ref. 97. §. penult.

* Sup. hoc supra in Ref. 23. in fine. & infra in Ref. 81. etiam in fine.

schol. cum alijs Iurisperitis: & ex Theologis Navar. in Manc. 25. n. 19. Durand. in Bull. Con. lib. 2. can. 5. q. 16. n. 6. Bonacini de leg. disp. 3. q. 7. §. 4. n. 2. Fernandez in Exam. Theol. mor. p. 4. c. 10. §. 1. n. 10. & alij. Ad id verò, quod dicebatur in contrarium, quod sub nomine publici latronis includitur decoctor, negatur; & vt dixi, ex verbis ipsius Bullæ contrarium apparet. Adde, quod si dicta sententia esset vera, ratò in praxi occurreret: quia difficile admodum est, vt notat ipsemet Peregrinus, concurrere in aliquo decoctore ea, quæ necessaria sunt ad publicum latronem constituendum, & maxime actum frequentia. Ex his apparet; quàm cautè legendi sunt aliqui Iurisperiti, & præsertim Hispani, asserentes, etiam simplices debitores, qui sine causa criminis confugiunt ad Ecclesiam, non gaudere illius immunitate. Et ita docet, citans alios, Hieronym. Couall. in tr. de cognit. per viam violentia. p. 2. q. 5. n. 6. nam hæc opinio est contra immunitatem Ecclesie, & Constitutionem Gregor. vt notauit Farinac. vbi supra. de imm. c. 3. num. 57. & 62. vbi citat multos alios, quibus ego addo Graff. tom. 1. lib. 3. conf. 1. per tot. de immunit. Eccles. Portel. in dub. reg. verb. Eccl. immunit. n. 14. Peregr. de immunit. c. 12. n. 10. Bonac. de leg. disp. 3. q. 7. §. 4. n. 2. Megal. in 3. p. lib. 3. c. 2. q. 2. n. 33. qui testatur de communi Doctorum sententia. Et hæc doctrina procedit, etiam siante statuto, quod debitor carcerari possit, & quod sit suspectus de fuga: & etiam in debitore publico, vt est exactor tributorum. Idem dicendum est de debito ex causa administrationis, & redditionis rationum, & de obligato ad ratiocinia publica: vel de Officiali debitore ex causa syndicatus. Ita supra citati DD.

RESOL. LXI.

An decoctores vulgo dicti Falliti, gaudeant Immunitate?

Et an debitores fraudulenti ad Ecclesiam cum bonis confessiones non debeant ibi multo tempore tolerari, sed ab Ecclesia sint eiciendi? Ex p. 6. tr. 1. Ref. 17.

§. 1. Negatiuè respondet Sarpus cap. 5. fol. 50. Qui verò (ait) per fraudem decoxit, cumque sit ei soluendo creditores fraudat, vt iniuste ditari possit, immunitatis priuilegio non debet vti: quod re ipsa id publicorum Latronum sit species quedam, & eiusmodi etiam Pij V. constitutione declaratur. Sic ille.

2. Sed ego etiam contra alios affirmatiuam sententiam docui in 1. p. tr. 1. resol. 32. quàm post constitutionem Gregorianam existimo certa: quia Decoctores tales nec ratione debiti, nec ratione delicti immunitate priuandi: non ratione debiti, aliàs omnes debitores essent exclusi a priuilegio immunitatis: non ratione delicti, quia hi non sunt depopulatores agrorum, & latrones publici, qui solùm sunt ab immunitate exclusi: & licet à Summo Pontifice Pio V. publicis latronibus æquiparentur; non sequitur ex hoc quòd in priuatione immunitatis debent æquiparari, quia pœna non sunt extendendæ ad delicta similia, vt in specie de hac constitutione loquens, firmat Chartarius decis. crimin. 46. num. 72. Farinacius tom. 1. consil. 76. num. 13. Ambrosinus de immunitate, cap. 1. num. 14. Locatellus de tortura, inspect. 5. num. 158. & alij. Ergo, &c. Et ideo nostram sententiam præter Doctores à me vbi supra notatos, tenet Castros Palas tom. 2. tract. 11. disp. vnic. punct. 8. num. 6. & Sanchez in opusc. tom. 2. lib. 6. cap. 1. dub. 8. numer. 24.

3. Notandum

Sup. hoc, & infra in Ref. 56. in Ref. 56. §. vlt.

Quæ hic est Ref. antecessens, & infra in Ref. 67. §. vlt. & in Ref. 97. §. penult.